

瑤

華

集

瑤華集卷十九

摸魚兒 四十四首

子夜歌 一首

夏雲峰 二首

金明池 六首

笛家 三首

綠頭鴨 一首

畫屏秋色 一首

春風嫋娜 二首

白苧 二首

十二時 三首

蘭陵王 九首

摸魚兒

米山堂觀劇

曹溶

剪濃陰雨餘池館飛花正點瓊甃龍眠愛寫西園集不

念客窗人瘦遊馬驟仗好鳥啼開三徑苔錢繡低回書
漏恰翠煖醜毬舟浮琥珀屏側燼香獸 征衫袖情淚
年年浥透傷離便合相就教坊樂部何堪在料理記歌
紅豆聯訪舊是手解金龜投老家山後東方射覆識歡
伯藏春柔鄉銷夜中有兩斜皺

送春

宋徵輿

只今朝送春歸處是飛絮飛花路長亭古道行人意并
向斜陽煙霧春果暮君不見東風日日搖芳樹留伊不
住似千尺清波輕舟一葉夜載片帆去 蕭條也惟有
梨花相對那堪幾度風雨無聯獨把雕闌倚疊却春衫

無數休回顧君不見落紅萬點皆塵土憶春不語長歎
繞空梁呢喃燕子似把舊愁訴

夏夕同郎晉颺飲商霖宅

沈謙

愛涼風雨聲攔截披襟對坐林樾倚亭况有蕭蕭竹煙
裏海榴如血壺漫挈銀燭下玉盤瓜果堆紅雪蟬聲帶
咽恁蕭瑟如秋垂垂珠露何處有炎熱無窮事准擬
樽前訴說欲言又恐悽切魚腸屈作同心結安得盡交
英傑誰最劣君不見景升兒子皆煙滅悲歌未闕人醉
月西傾客中多是深夜聽啼鴉

秋感

萬錦雯

正淒涼。又逢秋晚。青青是處。消豔荒齋。寥落無人問。惟有衰楊風颭。門半掩。但見有黃昏。幾陣歸鴉。點愁如酒。灑。更唧唧。蟲聲熒熒。燈影相伴。一書劍。浮生事。自覺塵勞久厭。還同舊日寒儉。釣船不近西溪冷。空負故鄉菱芡。深自念。怕三運歸來。都被蓬篙占。年華荏苒。要插竹成陰。種桃結子。兩鬢已霜染。

秋岳先生招集米山堂

陸進

夏初臨。一番風景。庭前小燕。輕舞滿懷。憐惜君拋謝。那忍獨居蓬戶。逢勝侶。爭指向茂林脩竹。相容與。科頭箕踞。看竟日揮毫。練裙書。編盡是。殢情句。杯頻勸。真覺

風流豪舉座中渾。恣賓主。東山絲管遊行好。更到西陵
來住。思往古。原只有傾城名士。堪朝暮。樽罍無數。拚沉
醉如泥。枝頭月上。莫漫說歸去。

味金鯽

錢芳標

小池塘鴨頭新綠。臙脂千片。誰染錦鱗。朱鬣輕盈。影倚
暖水紋。雕檻波激盪。切莫把荷錢。荇帶參差掩日。低煙
淡向紅板橋邊。絳桃樹底。相間落花點。無端是簾額。
微風乍颭。淺牀幾隊。驚閃緘書換酒。知休矣。穩取柔綸。
收斂調粉糝。啜喋處。石稜半寸潮痕淺。齊統湘簟。惹一
笑櫻唇。雙臨茜袖。數罷更回臉。

詠鴨

朱彝尊

任方塘群游孤汎愛他不染泥滓避人纔見驚飛去又
早紛紛低墜堪如是曾消受夜深每竝鴛鴦翅竹弓漫
試對黑白分明欄邊鬪罷芳草一茸翠揚瀾好兩漿
吳船小嘴采蓮人弄煙水晚來笑把紅裙裹觸損冷花
濃藥歸也未正一色秋江濼濼波千里移來簾底鑄就
小爐熏屏幃深處長傍繡衾睡。

自桃葉渡汎舟暮抵浦口雨宿村店漫賦

憶歸時白門楊柳吹花糝滿香徑重來化作青萍葉宛
似客游無定呼小艇擬有分桃根桃葉行相竝雲廓藻

井。枉費却臨流。紅闌千百不見玉人凭。西郊路十里
柔波如鏡。石城高下殘景。江豚多事。頻吹浪。只怕落潮
風猛。斜又整。信一葉舟輕。幾幅蒲帆。逞人家煙暝。傷惡
雨長。蘆昏鐘石岸。漁火隔窗冷。

無題

粉牆青蚪檐百尺。一條天色催暮。洛妃偶值無人見。相
送襪塵微步。教且住。攜玉手。潛行莫惹水苔仆。芳心暗
許。認香霧鬢邊好風。衣上分付斷魂語。雙棲燕歲歲
紗窗飛度。阿誰花底催去。十年鏡裏樊川雪。空見茶煙
千縷。離夢苦。渾不省鎖香金篋。歸何處。小池枯樹。算只

有當時一九冷月猶照夜深路

味構李

錦淙鳴行厨竹裏玉盤寒水初注未須紫柰黃瓜伴早
釋人間煩暑名最古記轍跡東西魯叟曾書汝吳洲越
渚傍折戟沙邊芳根蟠後幾溼戰場雨房陵種二十
六園佳樹也愁聲價輸與西施過此應留插一縷纖痕
留取小摘許慎莫被來禽偷眼銜將去薰風且在漫染
就輕黃青青構付乞巧小兒女

題其年填詞圖小像

擅詞壇飛揚跋扈前身可是青兕風煙一壑家陽羨最

好竹山鄉里。攜硯几。坐菴。画溪陰。裊裊珠藤翠。人生快
意。但紫笋烹泉。銀箏侑酒。此外總閒事。空中語。想出
空中姝麗圖。來菱角。雙髻樂章琴。趣三千。調作者古今
能幾團扇底。也直得尊前記曲呼娘子。旗亭藥市。聽江
北江南歌塵到處。柳下井華水。

味窩絲糖和其年韻

汪懋麟

問東華當年膳部。於今食品誰理。餒餒拒粒。金盤供羊
棗。依稀同嗜。新豐市。空零落一匙社飯。春風底。物猶如
此。感頭白。厨人窩兒舊式。味與蔗糖齒。輕拈出。萬縷
水絲。誰記肯教方法。偷製。試看顆顆團成處。想像烏雲

唇子誰相似似寒具油酥纏臂黃金荔閒情佚事須曝
日漿翁夢春餅媪一一話來細。

過中後所有感

吳儀一

海鷺啼朱橋斷處陰陰半壁斜照不知何代侯王家翠
石摧殘雙表飛檄到曾記得昆池雲黑鯨魚撓秦關一
道問誰借花門翻身負弩又過水西微 麻姑淺幾見
草間竊號有情天亦難老舊營舞女今存否應悔降旗
不早蝸白關只可惜滄江流血無時了行人漸少看雨
洗黃沙玉魚零擲荒坎野狐嘯。

題毛會侯戴笠垂竿圖

高僧雲

訝娥江綠掾千頃吳綃幾尺誰譜煙條故院斜汀外半
拂紫稍柔艣風欲度挂三扇低篷寫影眠鷗路晚來佳
處正野漲平橋輕篔小笠漠漠一谿雨 家長泖我亦
煙波舊侶投竿當日情緒酒徒盡覓封侯去漫向軟塵
羈旅商去住趁春水桃花倚牒當沙漱逢君何許但茶
甌香籠釣筒詩卷相對鏡中語

尊

憶西風晚煙吹徹愛看紺玉千頃釵莖鈿葉沉雲細涼
浸一奩秋影牽露梗傷雁齒紅橋斷處維雙艇瓊酥滿
甌也應笑髯蘇水盤餚藿那椀試槐餅 山園好池上

幾回醉醒筠篴碧脆誰竝只今苦被浮名縮付與閒鷗
管領還自省真負却思鱸小巷開三徑歸期重訂向綠
葦斜汀點烹玉糝越女素尖冷

蘇題

鈕琇

過桃花水痕初漲吳天遙寫晴鏡生如釵股浮青出鳧
葉羃波常淨煙路迴更荷帶荷錢接疊還相映香寒色
瑩喜犀筋凝脂磁甌泛玉鹽豉點偏勝紅塵事莫效
秋來未醒當時鱸美誰竝歸心一夕愁波起貯得幾絲
清冷應猛省是到處西風堪動扁舟興鷗飛鷺冥想干
甲泫泫高人獨去翠筩半江影

拜墓

曹貞吉

幾年來西州拜掃羊曇傷盡懷抱心驚寒食棠梨雨又是黏天衰草尋壞道知多少飛鳥銜紙青山繞頽垣桑棗算只有牛羊日斜來下拍手小兒笑千秋事誰定榮華壽考北邙松栢多了豐碑鼎鼎崢嶸處一樣西風憑弔吟望好君不見玉泉流水濺濺到單衫破帽眺城角殘霞打頭敗葉簌簌一林悄。

西直門外作

北邙邊高低丘壠縱橫無數羊虎玉魚金椁何時葬又見斷碑如礎魂自語須認取文章功業難憑據白楊老

樹戰一片秋聲向人頭上颯颯作涼雨
西川路敗笠
青衫羈旅緇塵撲面來去黃蘆苦竹千秋恨都付紙錢
飛處天已暮想入夜雲旗風馬精靈度荒涼三戶共塚
上狐狸山中木客同結歲寒侶

記漁人語

萬樹

被提壺勸人沽酒行來紅杏深處黃公壚畔青衫典座
有綠簑漁父相問取但遙指儂家菴面溪邊住攜妻共
女刺一葉蜻蛉網來銀鱗和浪帶煙煮長堤外何處
雕旗画鼓將軍有力如虎翁言不似漁家樂睡足柳煙
瀟雨聽杜宇又早已聲聲喚取春歸去人生似旅幸一

醉埋愁今朝邂逅聞此達人語

和其年清明悼徐郎

史鑑宗

正愁人梨花絲雨釀來春恨如醉玉鈎何處消魂曲長
笛一聲吹碎燈下淚都化作落紅點點風前墜這番憔悴
向斜日荒原一坏馬鬣杜宇數聲裏當年會楊柳
曉風情味煙江縹緲無際玉笙指冷春寒夜此意只君
應記君去矣空剩得驪珠一串梁塵內招魂無計看燕
燕鶯鶯朝朝暮暮夢繞亂山翠

前題

儲貞慶

恨風流玲瓏在否廣陵遺散終絕荒山野徑埋年少恰

是清明時節，風雨烈，渾不見。當筵對酒，歌喉咽，雲穿石。
裂歎羅綺，灰飛管絃，塵流誰譜舊歌闕。江南岸，有約
輕橈夜渡，十年舊事空說。看山海外從遊者，一樣雲隨
煙滅。腸寸結，還恐是海棠血。灑梨花，雪青枝早折，但轉
眼經年，柳郎原上春，又過寒食。

前題

史惟圖

正堪憐，畫橋煙柳，風流暗想如許。歌喉長憶，當筵送淪
落，今歸黃土。江上路，空望斷，杜鵑聲裏無歸處。怨春無
主任，無賴東風，幾番作惡。零亂捲飛絮。思前事，攜手
長堤口，暮曲終人醉南浦。梨花昨夜，枝頭好，還似掌中

相覩寒食雨只落得孤墳夜掩青松樹舞衫拋去領幾
隊笙歌夜臺供奉猶唱斷腸句

春雪初霽夜答其年

問東風剛來幾日夫公又遲玉戲瓊晶唯積無人掃更
放月輪低墜風景媚更添却一叢豔粉梅梢綴冷光滿
地想髯客豪吟糟牀初壓今夜共誰醉 休浪語此際
江波如沸漁磯猶穩春睡山家漸次鶯花好打疊閒愁
迴避無限事都付與紗窗夜落銀燈穗長釭又起莫漫
度春宵請君試看林下美人意

春夜爨遠公

數年來。味花題柳。青堂佳致如許。阿咸伴我林中醉。只道此生常聚。攜手處。還惆悵。長繩難繫斜陽住。君今已去。正屋角啼鴉。樓頭過雁。撲面冷風雨。空相憶。一局殘碁日暮。花間惜別何遽。屢經門巷。頻嗚咽。幾點落梅如故。薤上露。消受得。寒官薄祿清齋苦。問天無語。此恨總難消。窗前堦下。應種白楊樹。

客夜有懷

姚景崇

聽蕭蕭。一宵秋雨。井梧聲遞。庭院孤燈黯。淡明還滅。引動旅愁千轉。思量遍。更說甚。香篝滿袖。南薰殿。長安近。遠漫屈指。程途蒼蒞。煙水依約。夢魂現。猛回首。嘹唳。

南飛征雁。多應惜我歸晚。峻嶒傲骨原如故。添得淒清
無限。渾難遣。問何日輕衫匹馬隨書劍。殘更點點。正宿
酒初醒。披衣強起。又是曉鐘斷。

雪中過曹正子次韻

吳 雯

雪初飛。林塘竹樹。榼槎秃尾銀鳳。紙窗活火茶煙繞。那
管外邊寒重。書塞棟。喜更有貂幃犀押珊瑚控。填篋伯
仲。况千里剛來。天涯一笑。且摘紫髯凍。玉龍吼。輦下
雙成。嬌董藕絲何用尋。孔但憑鱗甲。漫天舞。正好供吾
飛動。綿竹頌。恰羔雁方將杞梓。榘枘貢。金蓮地湧。却結
想龍華。游思鵬運。戛玉破塵夢。

尊

毛奇齡

但秋風有誰還憶夏瓜冬菜春韭兒家住近橫塘曲長
在柳姑廟後相邀取借鄰女花竿挑起紅絲瀏摘來盈
盆任九月豬毛百莖雉尾總貫一壺酒晶瀦甚慢說
白如瓊玖下將鹽豉烹就鈿頭釵脚難形似只顧流匙
在口還念否料拾膾分鯖未是和羹手躊躇良久便羊
酪能勝龍酥堪敵歸去也何有。

前題

李良年

記年時十絲紫釜名泉催汲寒溜紅尖細糝花甕滑竹
下厨煙清晝鹽下後問此味雲間小陸還知否酪漿枉

闌但酥樣釵莖難。雙筇說甚剪菘菲。家山道鏡面
拖藍依舊浮名何似杯酒木蘭艇子牽情處摘得滿籠
消受秋八九。又不比春三二月青青候書傳素手道越
容遲歸吳鮮蚤賣輸與釣魚叟。

春雨

沈岸登

但庭前棟花風過疎疎零落堦砌朝雲未破重幃夢故
作廉纖天氣春去矣拚滿眼紅酣綠唾留無計踏青曾
幾自挑菜歸來漙裙去後鎮日小門閉。更慵把鏡檻
簾鈞挂起淒迷還亂人意無邊煙草天涯路迷却在夫
歸騎最恨是辜負了雙鬢小鳳釵頭膩誰憐不寐任午

簾將愁夜篝。做冷聽。聽到打牕細。

咏構李和竹垞韻

沈皞日

向金陀濃陰曲院盤中清露猶注。王人體物先投客。早是玉壺無暑。精舍古。自夢杳藤牆幾度能逢汝。白沙翠渚。記步履春風。穠花縞夜。吹落半庭雨。酒酣矣。洗醖開簾就樹。小冠欹側容與。翾飛楚雀。啣殘後。那得筠籠攜取。嚼少許。算纖核難鑽也。易分裁去。停杯此任。想幾日湖南低枝小摘。齒軟越溪女。

尊

向南塘香吹魚浪。麴塵不染深碧。西泠短艇紅橋曲。隔

浦斜陽漁魚潭影織見羅袖輕籠素腕全無力倚舷欲
摘似半折瑤簪淡黃嫩紫入手膩無迹疎蘋外還是
去年記得汀煙滿目狼藉絲絲越女分千縷歸路月華
初白炊火覓費幾許春纖薑桂調羹夕砧聲獨客念楓
冷江鄉秋風起後多少在京國

立夏日有感

乍清和山城飄泊客中驚換時序故園茅屋茶煙起梅
子櫻桃堪數曾幾度又脫我春衫冷却圍棋墅無端此
任問苦菜王瓜螻蛄徹夜誰共一燈語斜陽外皖口
潮聲如許正當雙燕飛去閒鷗兩兩波心坐夢裏美人

辛苦邀笛步。好買箇輕舟。東下京江。渡柘西歸路。有鷺浴。桑雲蟻浮。松醪臥聽刺桐雨。

舟中讀雪客黎莊詞

向蒲帆吟殘一卷夕陽。肯放西去。烏衣當日風流甚。翡翠筆牀矜許。舞白紵。有秋水閒情更唱。黎莊暮。輸他縷縷。是嚼蕊吹香梅邊酒醒。人在繡簾語。碧桃下門掩煙波別墅。小樓常對紅雨。分曹隔坐屏風底。非雪非花新句。漁笛譜。試付與樽前髣髴。賁洲住。青山無數。認紙上霞飛。江間墨漬。兩兩伴愁處。

題徐電發楓江漁父圖

陳維崧

問何人生綃滑笏皺來寂歷如許孤篷幾扇西風底滴
盡五湖疎雨垂弱縷儘水蔓江淇信意牽他住寄聲魴
鱖總來固欣然去還可喜知我者鷗鷺行藏事不是
如今纔悟浮名休再相誤人間多少金貂客輸却綠簑
漁父誰喚渡早萬木酣霜紅到消魂處湛湛楓樹又遙
襯蘆花搖睛織暝闌了半汀絮

味窩絲糖

糖出大內遺製今西山一老中
監尙能爲之後恐遂失傳矣

爨春燈赤瑛盤內絲絲縷縷難埋平生說餅題糕典慣
與群兒爭嗜銅駝巾曾趁徧賣傷小擔簫聲底何曾見
此總輸與筵前輕鬆纖軟弱雪不勝齒摩挲罷髮掃

夢華小記依稀南內遺製當初豬帕低籠處分賜龍孫
鳳子今何似似宋嫂魚羹又似楊妃荔天家往事也不
信宮娥曉寒呵手搓得恁般細。

答沈融谷

周在浚

綠陰濃凭闌獨眺犇濤渺渺東去白蘋洲畔閒鷗鷺消
受日長如許看漚苧恰正見夕陽未暝山先暮晴絲縷
縷更簾透餘香花畱殘葢小燕學人語江樓小脩竹
疎桐盈墅碧天又送愁雨柘西精舍知何似高唱如簧
新句休按譜但醉裏狂歌直欲畱君任歸程漫數便桃
葉停橈青溪吹笛都是繫情處。

春江送客

龔翔麟

悵西風青簾白舫橫河催散瑶席洞陰小閣飛觴罷冷
却玉玲瓏石纜幾日便九十韶光早又過寒食家園春
色定砌綻丹芽徑抽碧笋稚蝶采香溼秦淮柳慣折
柔條千尺斜陽送盡行客獨憐歸計偏遲暮空羨渡江
飛鷁津鼓急算此去鷗波直向樟亭北沉吟望極但有
夢來尋梨花硯雨齋在小山側

雨中飲遯園

周福柱

恠連朝鯉魚風驟天公做弄何故城南園子師門接少
箇扁舟呼渡當昨暮曾記得亭邊隨意花鬢數嘉招不

誤有山屐荷衣筍堯竹傘來往雨中路。欄委折靜對
芙蓉淺渚閒盟儘共鷗鷺紙窗矮屋安排好愛放溫茶
香樹逢舊侶拚壓倒填詞三變柔情句硯邊小住看鳳
蠟燒燈烏銀作梳相勸此宵聚。

無題

李符

葯房浚鄰娃學繡絲綉杏軸初展橫枝待補雙棲鳥拈
起翠鍼情倦曾瞥見早避入金鵝屏背藏嬌面雕鏤架
淺遮不住全身画裙拖處藕覆露猩點長廊靜花漏
殘陽一綫迴闌十二行徧緋桃徑窄無人過芳意都會
斜眄羅袖茜恠雙斂低垂未易擡香腕紅蕃刺骨試說

與雲鬆賺伊將手扶起髻釵燕。

又

板橋東歌橈泛渚綠楊堤畔相遇目招暗約昏黃後定
近酒帘青處隨夢雨從未識牆陰別有偷香路隔窗私
語道銀箭初傳蘭燈猶在且避小兒女。鴛幃裏一霎
荒雞啼曙別時苔井凝露重來不見桃花曆爲有画舸
人任春又暮恁夜夜獸環魚鑰扃朱戶冷雲遮樹算只
有粧樓一雙越燕飛俯鏡奩去。

讀史

龔勝玉

檢芸編幾行青中閉門消盡秋雨江山零落如殘奕付

與漁樵共語。評跋處有多少英雄。割據爭龍虎。煙飛雲
聚。算繡嶺官前。延秋門外。往事若朝露。思往事。減得
愁懷幾許。紛紛成敗。休訴。橫戈躍馬。今安在。摠被大江
流去。歸何所。君不見北邙高臥麒麟墓。君須記取。看誰
是誰。非低回掩卷。一醉論今古。

感舊

曹亮武

怕東風惹人腸。斷瘦紅肥綠。時節小樓。昔日凝粧處。縱
有花枝誰折。看兒撮。空記取。垂楊院落。朦朧月。香殘粉
滅。剩壁上鸞箋。奩中鳳翠。幽恨怎銷歇。十年事。梁燕
至今能說。繁絃聽罷。悽絕。明妃偏向燕支嫁。天把紅顏

埋沒魂恍惚難訴盡當初花底輕離別
畫圖頻揭悵弱影亭亭竟隨春去杜宇爲啼血

賦萼

吳灏

趁西風芰荷斜卷冰絲晴漾清影吳中昨夜人初到傳
道碧芽如瑩淒涼性愛一縷纖纖乍漬霜痕淨煙浮半
頃悵滋味家常鄉園夢隔李子呼歸艇芳洲畔一樣
波明似鏡孤懷千里重醒鱸腮剖罷羹調美又是豉鹽
香凝江湖競嘆玉筋愁多酪乳誰爭勝凭闌暗省有幾
樹丹楓兩行新雁來與寫秋興

清明雨傷逝

陳枋

遠冥濛濃陰似幕四垂天色難曉攔街撲面桃花片路
上行人都少楊巷悄聽不出年辰飴擔吹簫好憑闌欲
眺奈西北樓高東南風颯一桁桺絲裊驚心處極望
墓田山繞暗傷客裏懷抱思量玉女潭邊路祝英臺畔
人杳寒食了料只有羅裙蛺蝶迷煙草松門掩早想一
曲吳娘瀟瀟暮雨唱入古墳調

子夜歌

味熏爐限韻

蔣景祁

鴨闌前洗妝乍歇寒色又將催暮理簫局餘香尙裊依
舊夜情如霧添注水沉翻來銀葉煖玉花生露奈韓郎

別後相思幾許斷魂長是繡屏偎炷 驗心字銷沈篔
底漫漶不堪重語出入懷中料伊還伴寂寞紗窗雨念
鴛鴦枕遠淒涼此意誰吐湘竹簾深鬱金牀冷似夢飛
千縷待何時更蕪蘭膏芳春暗度

夏雲峰

晚登南樓觀雲作

沈謙

水遠帆低山圍樹合雲起小樓日暮驚天矯青鸞竝下
愛綽約縫蓮斜吐更重重蘊火含煙似欲借回風亂燒
平楚問何處陽臺連朝傍晚幽期宋玉曾賦 香閣深
深看不見况頃刻冥濛竟迷江路停翫望一心輾轉垂

帶坐雙眸凝注。總莫恠換狗更衣。却全似伊行言語。無據就倚徧闌干。輕陰不散。又作半天疎雨。

蘧庵攜秋岳先生新詞奉柬

陳維崧

夾岸輕陰滿塘。細雨惹得亂帆堆綠。片石上干場簫鼓。高臺後幾番麋鹿。記臯橋近泰娘家。恰梔子將開。枇杷初熟。只白髮江潭。東京遺老傷心。南朝豔曲。近日征南軍馬盛。料不比當年。家家綠竹水驛。閉龍舟誰競。煙舫歇。蓮歌莫續。想連天森森長洲。儘野鳥頻啼。沙鷗輕浴。且載得金荃。攜將蘭畹歸。當忘憂小錄。

金明池

秣陵懷古

魏允枏

燕子磯邊鳳凰山上又是狂風驟雨蘭麝香玉階金砌
儘燕麥免葵滿路問秦淮桂楫蘭橈却只有衰草垂垂
將暮歎絳闕蛛縈紗窗塵積一任晚鴉來去 王謝風
流想何處便紫燕黃鸝一時無主看當日詞臣狎客空
剩得白楊黃土最傷心景物三春教苑裏蛙聲公私相
訴但渡口寒煙亭中皓月猶是依依芳樹

前題

爰丹生

斷雁西風瘦驢黃葉又是關門日暮仙梵度清涼山寺
對鳳闕絳雲留處見長干寶塔輦飛總閱盡天界茫茫

塵土任沾酒南岡。壚頭人老莫問少年歸去。裙屐風流歎如許。便面薰衣。擁囊揮麈。倚司馬長城。却敵空剩得春燈燕語。再休言六代繁華。與半壁乾坤。殘棋孤注。想虎踞龍蟠。江山形勢。都付冷煙疎雨。

前題

沈雄

山上圍棋。渡頭麾扇。那怯寒潮夜雨。重借問繁華六代。又荒堞斷碑如許。願官家世世生來莫應似。衰草斜陽。垂暮歎幕府。頻移鑿輿。潛幸一任晚風吹去。江左夷吾在何處。便星散雲馳。此身無主。問滿目虎旅。鴛行還講得舊時門戶。最傷心煙柳。臺城儘巷口。烏衣與亾難。

訴但萬里長江未銷離恨一派濤聲猶怒

味茉莉

史惟圓

嶺外幽香移來江左姿韻天然雅素紅日未薰風輕扇
似冰玉不畏炎暑漸黃昏月隱紗櫺偏只到枕上屏開
香聚看爛若堆銀皎如凝雪蟬髻枝枝嬌嬈天上素娥
凌空度想墮粉遺鉛不教塵污結伴有蘭姨瓊姊歸
路在玉峰瑤圃向人間逞弄妖姿却散滿清芬伴君吟
苦試攜取香甌貯將茗椀共爾夜深低語

經城中故居

錢芳標

葵井鷗啼棘祠麗拱道是羅含故宅馬矢外顏垣臥礎

縱社日歸燕難識。歎飄零九髻王郎。今已作朱雀橋邊
行客。任牧豎腰鎌健兒橫。稍莫問劫灰消息。猶記承
平爲懼日。接北里南鄰。梁園梓澤。朱樓接鈿蟬。銀甲碧
檻。瞰銅駝綺陌。乍毛人夜泣。城頭便樹古池平。燐青月
黑。似華表仙成。槐安夢醒。一局爛柯踪跡。

燕京歲暮懷古和申隨叔

朱彝尊

西苑粧樓。南城獵騎。幾處箛吹蘆葉。孤島外生煙夕照。
對千里萬里積雪。更誰來擊筑高陽。但滿眼花豹明駝。
相接剩。夜火樓桑。秋塵石鼓。陌上行人空說。戰鬪漁
陽。尙會歎笑古。往今來浪傳豪傑。綠頭鴨悲吟乍了。白

翎雀醉歌還闕。數燕雲十六神州。有多少。園陵頽垣斷
碣。正石馬嘶殘。金仙淚盡。古水荒溝。寒月。

笛家

題趙子固画水墨水仙

朱彝尊

亾國春風。故宮鉛水。空餘芳草。冷花開偏。江南岸。王孫
老矣。文采風流。墨池筆嬌。淚痕都染。帝子含顰。洛靈微
步。宛在中洲半。悵騷人。未經佩徒。菰楚英九畹。繚亂
一叢寒。碧生煙疎。雨隨意。欹斜鵝絹。蟬紗寄情悽惋。尙
想白石蘭亭遺事。逸興千秋如見。豈似吳興君家承旨
蕃馬風塵滿。縱自署水晶宮。怕有鷗波難浣。

九日和其年

曹貞吉

黃菊浮觴紫萸盈把露涼風細匆匆早是秋將暮天街
如蟻燕尾鬢鬆卓金車響紛紛兒女剪綵旗旛花糕擔
子知送誰家去葉爭飛雁初緊只少滿城風雨 情緒
不堪搖落龍山戲馬何處追遊破帽單衫一襟塵土試
問故國荒涼宅榭草長欲齊階否深巷人歸華堂客醉
作陣鳴腰鼓聯送目夕陽邊惟見碧雲千縷

渡揚子

金 煥

沙草拖青汀蘆凝白秋江波靜扁舟擊楫中流半兼天
水勢動地濤聲荆吳九派人家兩岸西接南徐東連北

固一片征帆亂佛狸祠武帝宅不禁感傷目斷。望遠
秣陵形勝金山落日瓜步州前鐵甕悲風石頭城畔。回
思昔日雄姿英發都做浪飛蓬轉六代鶯花繁華佳麗
多少浮雲幻空極目對蒼茫早聽雁行聲喚。

綠頭鴨

題葉

賀裳

遶芳堤試細覓前宵題葉恐還飄泊沙頭怕饑鱗咬傷
花格愁浴鷺打滅銀鈎萍葉遮藏荇絲牽住幾樁都撓
亂心頭閒尋徧雙鴛沾溼影迹難求倩誰收回橋西
去銀濤遙織千艘莫相隨漁郎短棹休誤逐估客扁舟

忽望見亂紅數點風約各迴流錦石頻拋釣絲輕惹候
時傍岸却相投親拾看誰家蕩子彩筆廢酬。

画屏秋色

九日姑蘇城上作

徐 鉉

鶴市登高日舒倦眼萬疊青山攢碧天外歸帆天際歸
雲斷橋人寂花草記吳宮但野燒荒原堆積且放却登
山屐聽城內哀笳城邊画角無數通侯高第建牙列戟
追昔可勝悽惻麋鹿散蒼茫無極闔閭基址淮張宮
殿頓成遺迹歛帽戰西風憑闌淚溼窮途客短髮蕭絲
披披諸事總飄零只有清江過雁淒斷高樓顏色。

春風裊娜

游絲

朱彝尊

倚東君着力繫任韶華穿小徑漾晴沙正陰雲籠日難
尋野馬輕颺染草細綰秋蛇燕蹴還低鶯銜忽溜惹却
黃鬚無數花縱許悠揚度朱戶終愁人影隔窗紗 憫
悵謝娘池閣湘簾乍捲凝斜眄近拂簷牙疎籬罨短垣
遮微風別院明月誰家紅袖招時偏隨羅扇玉鞭裊處
又逐香車休憎輕薄笑多情似我春心不定飛夢天涯

暮春汪悔齋蛟門東川招集

丁焯

正泥融乳燕掠暗啼鶯酥雨潤棟風清恰雙江鷁首征

帆欲指三珠堂上折東相迎。佩贈將離，酒酤桑落，勸盡
金尊。唱渭城。懊惱桃花潭水淺，多君千尺是深情。此
去長安漸遠。燕雲薊樹，舊遊夢迴，首堪驚。燃藜閣草玄
亭。歌詞錦瑟，何處重聽。十載神交，新知莫樂。一官竟出
別思旋生。關心萬事，最魂銷腸斷，落花時節，春草王程。

白苧

閨怨

徐昌微

冷悽悽小樓外，月明風細。玉尊酒滿，此際與誰同醉。紗
窗閉，爐香燒罷，自孤睡。展轉不成眠，又怨道涼生羅袂。
黯然無語，暗裏自彈雙淚。那堪他陰虫唧唧，鳴荒砌。

提起。柳下相逢。花間密約如塵似雨。歷歷舊情能記正。
剪紙題詞。指燈作誓。綠羅窗曉。見釵梁墜。枕粉痕在臂。
剗地分飛。忍便將伊真箇拋棄。好倩秋鴻。再把香牋寄。

味階前少年

陳世祥

小屏風覺布被微涼。浙浙紙窗未起。早見晴光窺隙。那
元來。西風一夜吹空。碧花事悅新秋。總淨葉。采枝。懼適
切切吟虫音響清而不激。有感慨之人。無語當階立。
溪情盈盈秋意染絳勻。黃供人鑒賞。博箇少年相識。誰
知道。已把壯時虛擲。如今老大纔和秋海棠。一般粧飾。
只有霜溪那時楓葉。知他踪跡。多少閒愁。除酒難消得。

十二時

雲母燈

朱彝尊

是何人碧山深處輕入仙厨私竊把石粉雲英堆積剪
剪層層疊疊面面裝成稜稜做就細染紅箋貼正夜靜
改席西園紫鳳吐珠曾否銅槃吹滅。閒更思梨花院
落定自十分清絕宿鳥窺來飛蛾拂去不道成冰雪漫
認他是燈分明一片冷月。也只消拋殘小扇玉面當
前欲怯怎得攜歸江南樂事鬧向元宵節看翠簪幾許
屏風影中低說。

峽江阻風用江湖載酒詞韻

丁燁

嘆年來兩簪霜鬢。深愧鷓鴣冠。虛竊看、短袖貂茸。塵積日
日。煙波萬疊。趁雁收帆。聞雞縱櫂。都把餘閒。貼正歲晏。
極浦風高。病葉打牕。愁對檣燈明滅。休覓將冰箋。免
管自寫。虎頭癡絕。故國鱸肥。空山雀怨。笑負梅如雪。問
甚時賦歸。斜川尙照古月。便酒酣敲壺。擊楫夢見江
湖。仍怯浪急。須回雲遲。偏嬾那待懸車節。怕倦游未許。
浮踪老漁能說。

觀獵寄高侍講

沈暉日

山重關雲似草暗。吹遍軟塵千里。看隊隊風生。画戟金
纒。環飛豹尾。孔雀新翎。銀貂小袖。鷹臂團龍紫。日已夕。

炙脆烹鮮。鳳廚猩羅玉几。爐煙誰侍。有故人高三十。
五耳筆行宮丹陛。短箭輕弓。題香醉露。日近天顏喜。賦
長揚上林。銀光細寫多矣。恨飄零彈鷲。蹋柳瘦馬茸
衫燕市。射石心寒。請纓路杳。開殺英雄氣。算明年。只好
河陽攤書花底。

蘭陵王

旅恨

萬錦雯

月痕白。照見風塵悴色。權消遣。纔待捲簾。却怕霜花冷。
侵額低頭。思故國。何事年年。在客。素屏掩衾。短夜長。浙
瀝寒聲透窗櫺。歲華易拋擲。怎白草黃沙。老此踪跡。

倦途蹇馬頻嘶。歷看映壁燈小。傳籌人歇。僮僕無心睡。
正適問誰念岑寂。追憶恨堆積。值買醉無錢空羨。爓
側半宵歸夢。邀難得。漸兩三雞唱。又挨今夕。計程迢遞。
暗屈指尙幾驛。

感舊

顧貞觀

片帆側斜。倚征衫雪色凝眸。倦清鏡杳然。惟見湘娥弄
寒碧。霜林淚痕織澹澹。西風粧飾空濛外。多少遠山猶
是當時恨堆積。尋思共仙鷁。正乍展香襟。旋散瑤席。
珮珠淒冷。波心摘。有蜀紙羞寄吳綾。慵寫冰絲鮫館。昨
夜溼帶輕夢吹入。岑寂感疇昔。待步鞦韆微拾翠重。

覓一天銀浪頭俱白。愁比翼難穩。斷鴻無力。水雲同宿。
待脩到幾生得。

秋日感懷

毛先舒

小樓角。風雨蕭疎太惡。南園柳吹過。幾條拖冷。愁煙着。
橫幙應憐太瘦弱。留得腰圍似削。秋夢裏何處暗來。昨夜
夜心。情怕人覺。芙蓉對清酌。望魚射波。紅雁帶雲薄。
口脂斜黛空閒却。羞金釧鏤字。苔牋書語。燈畔攜手。宛
似昨。是誰負前約。落魄信飄泊。鎮淹惜春衫。淒斷宵
柝。彩雲猶在鞦韆索。惟竝語梁燕。虛聲簷鵲。玲瓏無數。
怎這裏便痴着。

無題

洪昇

翠雲壓一帶遙峰暮合。冥冥雨細。撲杏花小院。重門畫
長。闌。鶯鶯啼恰恰。幽夢驚回。繡榻東風裏。忽地呼卿眼
底。翻愁楚天狹。尋思舊歡。却是酒污紅衫。花染銀甲。
青絲學挽梳。橫插。恁佯指雛燕。故調鸚鵡。月底牽留。祇
半霎。鎮無語相答。蕭颯轉嗚咽。記征帆北去。梅破殘
臘。情絲不住。心頭匝。枉淚溼羅幌。詩題檀筴。無端懊惱。
閒把彈。打池鴨。

春夜病中聽雨

沈謙

晚風厲十二簾櫳垂地。燈忽暗不許結花。鎮日撩人有

何喜。小鬟熏素被。耿耿全無睡意。廉纖雨却。又打窗間道。三更過還未。尋思轉無味。怎偏我逢春愁病相繼。紅橋曲巷。迷征騎。曾持酒低勸。寫詞偷和寶釵搔火人半醉。恁時節將睡。憔悴更腰細。問枕上鶯聲。何日相慰。枝頭春色。今餘幾。怕粉蕊。湮透檀心。滴碎。問天何恨。也有恁許多淚。

送春和劉須溪韻

金張

送春去。春已行行半路。忙追唱三疊陽關更盡一杯勸。南浦今年惡。心緒容易落花飄絮。竟忘了蝶怨蜂酣。及到春歸沒尋處。春歸不須苦。早綠野平丘。金谷誰主。

惹愁翻恨歸何暮。剩歌扇、明月舞裙芳草。周郎曲誤費
屢顧。黯然桃葉渡。春去減愁否。但憶舊三歎。惜別同
賦。弄春一綫。綠絲綠雨。奈人面、何處桃花前度。似曾相識
兩燕子。不住語。

過晉郎

朱彝尊

馬蹄捷遙望參差雉堞斜。陽外芳草斷垣。朱郎猶存舊
城闕。平臺歌吹絕。禁得黃鸝。調舌粧樓畔。煙柳數株時
見柔條。路人折。閒尋老翁說。記帶指黃河。圭拆桐葉
霓旌千騎。春山列任。桂樹招隱。雁池斟酒。回眸琴瑟看
盡滅。問誰是豪傑。明月窳懷切。聽短笛飄零哀角鳴。

咽葳蕤不閉窗紗裂有藥鼎霜碓西廊塵屨累不厭深鎖
免苑裏一片雪

送宋員外牧仲視權贛州

曉寒撲嘶騎河橋一簇而今去嶺北天南忍對離樽便
催促雙旌行太速薄暝應投涿鹿吟鞭倚苑雪剛殘且
喜輕塵未吹麴登鱸九江曲算港截彭郎山問匡俗
層層翠浪峰迴複過十八灘水萬疊煙樹滿園蘭草無
數竹照廳事都綠川陸舊游熟奈上下龍雲無計追
逐故人已分歸茅屋念剪燭深夜後期難上楓林落月
定憶我夢斷續

味硯

曲阿張子煉庵持其祖前明死事南家宰赤涵先生諱捷所遺米襄陽硯硯微味因

賦

湯思孝

痛疇昔。輕把金甌。浪擲東南。裏雲漢。頓傾揀盡。媧灰剩。
殘壁。端溪餘舊蹟。須識臣貞匪石。凝眸處。紫氣青紋。寒
噴萇弘血痕碧。追思更淒惻。嘆恨事宜和。憑向誰說。
雀臺鴛瓦。增悲颯。知几帛題句。汗青留照。蘸筆猶堪哭。
蒼頡早壺玉同缺。手澤共珍惜。美節義貽謀。慈孳承
烈。流芳再振千秋業。看壯志磨盾。苦心穿鐵。遺徽如在
球與貝儼竝列。

瑤華集卷二十

大酺

七首

浪淘沙慢

二首

瑞龍吟

三首

西平樂

一首

多麗

八首

玉女搖仙佩

六首

玉抱肚

一首

多麗

羣冠卿體
四首

輪臺子

一首

箇儂

三首

夜半樂

一首

六州歌頭

七首

小諾臯

一首

寶鼎現

一首

三臺

一首

拋毬樂

一首

哨遍

各體
四首

戚氏

一首

鶯啼序

四首

豐樂樓

一首

添字鶯啼序

一首

大酺

金陵懷古和秋岳韻

熊文舉

一片清淮波中月迢遞鍾山何處飛煙迷燕幕有呢喃
百轉差池似舞桂子三秋荷花十里曾憶當年事否臨
春高樓曲奈美人塵土晚潮流去况雨沈糟丘風喧歌
管淚乾絲絮飄零如逆旅看魂夢千里隨煙渡寧知
道花晨月夕地角天涯任鳥啼有誰回顧算幾分春色
煩問取怎生畱住恨芳草斜陽路青山相憶見說高門

如故鮑照蕪城欲賦。

前題

龔鼎孳

柳色如煙鳥啼月江左瑯琊何處高樓紅樹裏有銀箏
絃扇與花相妬。六代鶯聲三山草色曾記游人來否芳
袖隨雲散悔東華走馬此行原誤更風滿敗梧日斜橫
笛燕穿飛絮。包胥無一旅看公等歌舞誇南渡爲問
取夷吾往矣祖逖何如繡芙蓉那能頻顧夢逐江流去
還懊惱數峰遮住料難到家山路菱花憐我蕭索長卿
非故倩誰百斤買賦。

無題

洪昇

笑杏花飛楊花舞閒繞珠簾
瑤席面羅歌扇底兒朱唇
粉面春膠同色醉月鴛鴦
夢雲鸚鵡都似東風無力中
筵停羯鼓奈暗裏關心貂裘
淚溼任玉樹庭前零亂裙
腰沒殘苔迹沉沉銀漏滴
早忘却新露塗砒白猛拚
取徵歌百隊澆酒千觴莫相
疑李倫梓澤還笑江潭客
鍾樵悴獨醒何益一片月光
如雪鷓鴣啼罷又是數聲
橫笛此懷怕人知得

初夏齋居

田茂遇

對竹風涼松煙溼
簾幕蕭齋無事北窗高臥起
把桃笙乍捲
苧衫初試鳩喚
重檐蛙鳴兩部就裏
常取次物

情隨處好總由他入耳往來遊戲想天籟鳴餘塵襟洗
後兩饒深意。人生偶爾寄想勞攘紅塵久何爲早謝
却蜂衙朝會蟻國兵戈逍遙歲月清涼地身後何須慮
絳闕下司花小吏莫曼倩金門比桃開桃謝歲月應無
勞記看多少閒紅翠。

聽絃索

曹貞吉

正酒船行人聲寂好月如珪相照鴈雛初入破響風箏
刀尺麻姑手爪銀甲徐調水絲輕撥啄木丁丁林鳥空
山無人處住花開花落洞天深窅忽變作玉關千群鐵
馬平沙衰草。吳儂歌縹緲歎舊曲誰似臨川好。遮莫

向岐王筵上，崔九堂前，琵琶彈出傷心調，未抵繁絃，巧引蝶翅蜂鬚，縈繞但羈客青衫老。奈何頻喚，頓減中年，懷抱鬢邊，明日白了。

中秋

張淵懿

看晚風纖鱗雲薄，一片水輪乍起，樓臺深院落。把真珠高揭，素娥相對，桂影扶疎，桐陰歷亂，蕩漾金波似水。夜闌香燼後，儘清輝皎澈，照人無寐。歎碧海青天，雲鬢霧鬢，這般情味。離懷千萬里，料今夕同隕，關山涕洟更道。華燈燭滅，寶鏡塵封，淒涼昏曉空垂淚。補種傷心事，都迸入寒螿聲裏，轉蕭瑟。如何睡遣愁不去，推到銀蟾。

西墜來宵依舊恁地。

臘八粥同次山賦

蔣景邨

算幾番風幾番雨入臘已經八日斧冰爲糜粥待齋厨
火暖圍爐蓐食對景尋思依稀此味彷彿家鄉頗悉淒
寒渾不管且酒沽醴醪菓薦榛栗漫一笑年來只須加
此賺人爲客誰歎停箸憶便當食三歎思量及已料
得黃梁春細白露零殘寄來許久遲消息故園人望斷
想欲付音書幾驛空撥盡寒灰迹遮莫忘了北地雪花
正積江南梅已半坼

浪淘沙慢

金陵懷古

王昊

六朝事風流佳麗猶有人說
面對長江萬疊驚濤日夜
捲雪歎虎踞龍蟠形勝設
經過了幾度興滅照千古英
雄淚痕者清溪渡頭月
淒切荒城画角吹徹
弔結綺臨春當年事惟有
蛩語咽嗟游子停鞍問渡
桃葉煙波乍接過莫愁湖
上使人愁絕
最不堪蜀魄啼血
臺城外亂鴉廢堞
蔣山側荒丘橫斷碣
隔江聽一曲琵琶怨未
歇多情難與金陵別

春思

毛先舒

正春早大堤如帶望裏平直
紅霧瀰漫深處香車一去

無迹折楊柳垂垂晨露滴疏雨過岸沙不溼問春在秋
千誰許見隴隴淡煙隔堪惜東風轉覺無力憶九十
韶光宜人眼生怕成浪擲鎮坐聽新歌醉弄任筆人花
一色又驚回蝶夢尋香鬢側六代豪華非疇昔况一箇
羈愁倦客摠費盡思量難再得恁風景都是傷心怎當
得撲簾飛絮天將夕。

瑞龍吟

夏景

史惟圓

碧天際喜見晨氣微涼小窗風細炎炎紅鏡初開騎龍
駕景火雲赤帝簞紋翠誰與披襟散髮水邊遊戲午

陰嘉樹堪娛。搖空梧竹滿庭綠碎。有客初調絃柱。冷山瀟指柔絃脆。洗盡炎熾。相期泉石閒意。松風夢醒。疑是羲皇歲。又還見當樓殘照。林梢斜繫。欲駐年無計。舊時月榭風亭。深閉螢火。依蘭砌。孤坐久。三更新涼侵。袂金波。映戶銀河垂地。

春夜見壁間三絃子感賦

陳維崧

春燈地。拚取歌板蛛縈。舞衫塵灑。屏間乍見檀槽。與秋風扇一般斜挂。簾兒罅。幾度漫將音理。冰絃都啞。可憐萬斛春愁。十年舊事。懨懨倦寫。記得蛇皮絃子。當時粧就。許多聲價。曲項微垂。流蘇同心結打。也曾萬里。

伴我關山夜，有客向潼關。店後昆陽城下，一曲琵琶者。
月黑楓青，細籠輕砑，此景堪圖畫。今日愴人琴，淚如鉛
瀉，一聲聲是雨窗閒話。

題贈蝶庵詞

陸棻

旗亭壁記取，叶簇調賓詞。場佳客幾番，春鳥啼花聲碎。
飛過綠池紅陌，誰堪憶。應有斜陽流水，曉風殘月，溫
柔最。眠花間，鮮華數見，草堂餘帖。還問軒莊諸老，鐵
板粗豪，英雄遁髮。白石玉田，髯翁今許登席，荆谿一派。
乍響滄波濤，分明是將愁芳草。梅溪標格，夢到柴桑宅。
紫茸泉釀，清齋白適，顧影衝塵幘。又小屋蒸人，麥秋先

熱輸他素卷滿懷冰雪

西平樂

送高澹人侍講扈從 西巡

蔣景祁

瑞玉頒齊旌旗遠幸翠輦有事西巡地折羊腸天窮雁
足草生二月初勻正山削芙蓉千仞水渡滹沱百尺迴
旋疊嶂重關前驅羽騎駉駉看煞花明柳暉宸遊遍遍
得塞垣春 詞臣供奉親承帳殿聖藻淋漓一曲橫汾
懷古憶臺駘廟圯拓跋陵荒何處英雄廣武剝墨殘陽
追想風流賀六渾此日長楊大開校獵乍歇珠鞭暫卸
金鶴授簡濡毫定推作賦淵雲

多麗

憶吳門舊游

沈謙

記當時多情初會金昌。但盈眸都稱佳麗。輪伊真色生香。况知音能翻舊曲。偏愛好屢換新粧。幾歲拋家。今年避客。半垂銀袖。倚迴廊喜偶。遇無因却走。含笑道勝常。參差見如嫌粉蝶。未退蜂黃。漫攜尊。溪山消暑。含愁曾弔真娘。翠鬢傾人替。茉莉紅裙脫。自裏鴛鴦。月底牽裾。河干解纜。風流贏得。斷人腸。想樓外重重煙樹。依舊下斜陽。空回首。五湖人遠。風雪蒼茫。

湖上贈竹逸

陸嘉淑

愛明湖晚來千頃秋清更霧髻雲鬢不定吳山鷲嶺南
屏遙天接三層西竺輕綃捲一片危城紅變衰楓青留
蔓草百年風景記昇平高低繞名園別墅處處倚雕楹
笙歌好尋芳拾翠棹槳縱橫待君來山川如昨一尊
寂寞愁傾戍煙空橫斷角山鐘暗怒吼霜鯨邊馬頻
嘶塞鴻不斷西風緊處聽殘鶯還應賴登臨讌集相向
寫幽情高吟罷客歸人醉纖月初生

西湖

吳農祥

夢澄湖面橋春水初生指嫋娜東風吹晚朦朧西日籠
晴雕梁棲雙飛社燕瓊樓閃百轉流鶯潮信蒸梅雨梢

墜柳惱人情緒是清明。平沙軟，爭攜新月，歷浪小舟輕。
追歡好，爲他拚醉，醉也還傾。待空闈重尋消息，繡簾
同出江城。玉釵垂，煖圍紫葢珠衣，薄懶掩紅屏。拾翠時
光，踏青心事，香塵蕩去，促歸程。冶游久，歌慵舞罷，寂寞
已三更。徒贏得歲華紀盡，越鼓吳笙。

冬景

張淵懿

雪初消，寒雲更凍，平橋看西風。將人冷落，今宵猛似前
宵。雁聲中，幾家耕閣，馬蹄下，萬里荒郊。金縷沉籠，紅綿
壓剪，梅花樓上。又吹簫，怎禁受，悄移芳枕，摧挫盡無聊。
空拋却繡幃鴛襪，夜朝朝。記當時香酣酒醒，低迷

短夢爭饒淺煙收柳枝惹恨輕釵卸翡翠扶嬌遠浦斜
陽曉山落月凭闌何處最魂消縱留取寶絃依舊誰唱
婦人嬌年年是斷鐘殘漏斷送回潮

長安懷古

姜培穎

夕陽斜西風寒透窗紗倚離闌半蕪千頃參差幾許人
家鳳凰原鷺聲是否芙蓉苑曲沼非耶燕點澄波馬嘶
芳草短長亭路帶殘霞望門外青原綠野誰種名平瓜
還應念春陰柳葉夜月梨花憶當年秦臺漢殿五陵
多少繁華酌仙裙歸風向裊遺芳宰好夢非賒興慶宮
前朝元閣下清平一調已堪誇千秋後珠沉玉碎此恨

徧天涯腸空斷多情游子淚滴琵琶。

感舊

陳維岳

費疑猜當時也抵蓬萊軟紅塵露桃煙柳在奴得得情
懷鼓三通被人催去簾半下獨自行來小小房籠低低
欄檻梅花滿樹綺窗開十分貌九分姿態一種俏身林
香茵上烏籠穩臥佳約初諧迤西河銀波澹淡參差
也有亭臺紫雲飛何從喚杜藍橋遠恁處留裴少賤誰
憐老狂難耐夢中猶弄縷金鞋等閒去堂堂光景往事
尚徘徊休提起鈿箏寶瑟風月沉埋。

桂花下作

吳曹直

嫩涼大西風。遍滿郊原。正樓頭輕羅欲冷。沈瀟秋氣堪
憐。綠陰稀。漸凋黃葉。亭皋下。殘盡紅蓮。秉燭心期。褰裳
逸興。小山叢桂。最清妍。招尋處。凌霜挺秀。秋思在花前。
欣滿座。酒徒飛屑。惱聽鳴蟬。對芳樽。香浮金粟。晚風
吹出。蟬娟喜幽芬。疑招月魄。餐沆瀣。好共花眠。今日相
逢。明年此會。知予萍梗在誰邊。多應向水程山驛。草屨
控絲鞭。花如憶。年年聚散。怕也潸然。

炙硯

吳梅鼎

買香膠。端溪一硯。先澆好。寶朋寒來。疎懶只伊常伴。昏
朝弄脰。糜雲生膚寸。濡免頰。花落秋濤。瓦說雀臺石。稱

龍尾文河蚪蚪欲隨潮。忽報道霜飛地裂。墨海凍蒼蛟。
詩成處。玄珠欲滴。何計揮毫。未能拋藥爐。堆火偏宜。
借熱相邀。總輸他金壺。注汗應由我。獸炭融膏。一氣呵
來。千言寫盡。長吟短味。十分豪。還須避浮塵。點澆。宿瀆。
玷瓊瑤。誰親捧。盈盈粉腕。小襯紅綃。

玉女搖仙佩

暮春泛舟

梁清標

長堤柳影綠滿東郊。十里芳湖如鏡。舉網烹鮮。存厨載
酒。重續當年佳興。風月誰偏領。况主人情重。肯虛妍景。
早等取青鞋布襪。正是姚黃魏紫。相映無奈。遇知心嬌。

小情凝勾人酩酊。憑仗蘭橈。回纈簫鼓中流。激灑素波。下頃章曲勝游。旗亭佳會。今古風流。堪竝城角樓煙暝。怎消得杜牧疎狂心性。趁落日仙舟。容與佳人拾翠。春將去也。君須省好畱。待夜珠光迸。

弔望春宮

丁 澎

青州城裏帝子珠樓縹緲。五雲深際。繞柱鮫綃穿簾玳瑁。舊事繁華朱邸。誰意同流水。見移花月檻落榆鋪地。玉階外。鳥聲伊軋。雨洗遺鈿。數點空翠。何處鳳簫聲暗。想離闌玉容同倚。樓上望春如醉。風透紗窗燕子銜。將花蓋鬪草踏青。昭陽人去。冷落秋千佳會。飛絮連天。

起笙歌杳不道岐王故地只見得空梁蛛網粉牆蝶鬧
但餘幾點看花淚不如把鳳樓長閉

館娃宮

董元愷

春鶯啼早無賴東風綠徧吳宮花草鳳閣銅鋪龍舟水
戲白玉牀中醉倒萬斛梁塵繞奈金壺銀箭豈能長保
忽轉眼香消茂苑響屧廊空硯池波小看脂粉塘邊雨
洗遺鈿數枝紅蓼別院梧桐影裏一葉驚秋此夜愁
添多少麋鹿游時鷓鴣飛處國破西施一笑聽徹菱歌
悄試問破吳後越還同沼總不似招提佛號晨鐘夢醒
月林清影來相照琴臺上幾聲長嘯

題岳陽樓吹笛圖

顧彩

洞庭湖上倒插芙蓉搖漾一天空翠雁落平沙驚飛南
浦極目清秋無際莫向闌干倚見雲低遠黛岫橫螺髻
波濤外片帆出沒幾點寒鷗欲聚還碎何處玉龍吟一
笛梅花半天吹起有客登臨到此耐可乘風直上廣
寒宮裏漢女宓妃呼之或出冷豔鏗鏘珠佩遺跡存有
幾三間恨只逐斜陽流水止聽得山鵲嘯雨林猿啼竹
滿江都是湘娥淚試沽酒岳陽沉醉

大梁署中月夜

陳維崧

客愁無那何日歸程真向江淮起恁憐殺天邊一輪明

月挂在玉津園左，照着淒涼。我又雁飛牆角，馬嘶城堞。
枕稜畔如水似鐵，仰視中庭數點星。願便有夢還家生。
怕更樓已會合鎖。擘阮薰香都情，祇剩續紛簾影對。
人低簸暗數從前宣和風景。多少花驄鳳舸。此夜誰端
坐，匿笑處顛立幾行釵朶。想又是天街似水，梅花糝地。
內家一陣香車過，遙映着樊樓燈火。

與米紫來論詞卽題其始存集 曹貞吉

才人剩技削玉團香，有得離奇如此。繡嶺官前，苧蘿溪
上，一一傾城姝麗。更把繁絃倚似飛仙劍客，乘風遊戲。
怨離別青衫紅袖，消向琵琶羯鼓聲裏。沙石砉然驚苦。

竹黃蘆暗啼山鬼。省識紅鹽妙理。換羽移宮。墮盡關
河人淚。細數名家。晚唐南宋。漫說蘇豪。柳膩火正當年。
箭平分取。書畫船中風味。又證入金荃蘭畹。小山白石。
天花亂撒。撒珊瑚碎。酒邊珍重。烏絲字。

玉抱肚

感舊

朱彝尊

橋頭官渡。沙頭煙樹。放歸船碧浪湖中。短篷同聽疎雨。
恨參差朔雁。又何苦慘澹江天。叫秋暮。城隅漸近。隱隱
梵鼓臨當去。重分付。少別經年。相逢地。單衫佇立。知
誰畫斜嬾。好春兒過了。都無緒。好夢兒做了。都無據。限

仙源百尺紅牆翠禽小小不度斷魂難訴從今憶舊
事淒涼尙堪賦但只怕你朱顏在也非故水又遙山又
阻玉鞭長縱鞭白馬嘶不到這門前路

多麗

清真卿體

送王懷仁謫官西安經歷

朱彝尊

滿長亭落葉西風殘日綰青絲勸斟別酒一杯知共何
久且脚趺路岐執手莫愁他急管橫笛五斗猶分雙鳧
白在此行千里更須努力到廳事藥囊丹竈清晝甚閒
適爭誇道參軍未老幕府長揖有高捧金人露掌削
成玉女峰色好清秋樂游原上遠勝沙南戰雲黑北斗

秦城西京漢苑登樓王粲幾殊昔灞橋外也應尋遍風
雪定相憶看來歲芳樹隴頭寄我消息。

敬亭山讌集宿巢雲樓和散木 鄒祇謨

問昭亭故蹟遺畱多少。有良朋青鞵布襪穿雲爛熳尊
討愛蒼霞翩然放杖仰層峰高挂啼鳥碧瓦朱欄飛樓
湧殿夜游秉燭催觴到曉步荒祠欲呼謝李冥冥蒼苔
悄凌風去齊州九點長空飄渺。但絕頂翠微未上夾
路蒼髯猶小好重來追尋奇趣丹梯那便龍鱗老踏蹬
歸期安排詩律破除萬事深杯好更回首白龍黃鶴仙
跡天南遙峻嶒處石聳遺壇麻姑仙爪。

西湖春暮

俞士彪

惟東風吹得韶華無幾，祇留他殘紅一朵美人頭。上揚
曳歎西湖風光非昔，向登臨誰會深意。前度桃門舊時
燕巷，重來瞻眺暮雲疊翠。六橋外斜陽芳草是我斷腸
地。游人散青帘無恙，且自沉醉。又何況繁華如夢眼
前多少憔悴。淡煙中孤城半掩，萬騎驕驄飲春水。內院
新聲後庭一曲，祇今猶是在人耳。算惟有兩峰千古會
也見興廢。黃昏後月上女牆，誰忍凝睇。

櫻桃

陳枋

遙春風春雨先成春果，帶春星草堂一樹苔邊。兩時

隨慣驚醜栗留啄處乍疑看拍蝶花妥嬰絡垂絲翠鈿
蜀藥折枝低裊步搖釵驪待喻比相思紅豆紀事紺珠
可宛然似甘脣小齧素口微嗟每山外斜橋四月圍
林曉摘千顆滿筠籠野人攜贈不羨芙蓉闕邊坐茶乳
甌香蔗漿榨冷餐時丰味憶江左傾盤好勻圓纖軟細
寫尙愁破映薨色晴天溼雲淺暈霞作

輪臺子

寄譚舟石郡丞

沈皞日

社燕賓鴻煙雨無消息西風去東風掃曳幾度擢歌婁
側鸞鴛一別人萬里曾喚起小閣梅邊吹笛十九年矣

如夢裏買酒問西陵秋色亂雲隔風流邵丞可沉吟記
得我亦江湖客 見九重詔自雲中出正塞垣春生岑
寂催奉宸游筆未央殿前承明廬側青藜子夜休輕擲
看御柳掩映珂鳴紫陌相思故人在態依然醉眠錦瑟
誰於邑星寒窗碧剪宮燭認腰帶相識。

箇儂

偶憶

查容

記亭亭兩兩似有意窺簾端正雁齒橋南魚鱗春浪靜
兩槳相並問箇儂何處傍人不覺已暗通名姓併絲牆
角東風定燕子初來猶兒未醒凝眸一聲先請漸凌波

素襪陪入香徑。闌干微凭甚輕寒。做暝泥趁紅篝少。
添麝餅。憐他半懶情性。漫垂肩。嬾袖髣髴雲纒整。年年是
慣愁多病。更懊惱。落拓江湖小杜舊。時光景。雙蛾斂板
欵杯剩。把鈿釵撥向爐灰裏。書成薄倖。

雨夜聽琵琶

董元愷

正蕭條。旅館悵。未夜殘燈夢淺。逸韻飄來絕藝誰能擅。
珠繩斜轉。恰玉奴十五檀槽初撥。寫春風。幽怨一鼓再
鼓。梁塵滿。瑟瑟真珠淙淙。細澗都在輕籠。慢撚更摧藏。
掩抑四絃千遍。調當入變。忽驚雷掣電。促節餘音碧。
雲哀雁。風風雨雨。窗畔共指間。風雨聲聲相亂。似兒女

昵昵低喚把無數暗恨深愁付與曲終人遠傷心也舊
家庭院想天涯惟有青衫淚不堪消遣。

有憶

沈豐垣

豈無因見也奈見後重悲離別還思見時心情常帶怯
軟語關切背倚東風祝莫如柳絮更莫如明月輕狂飛
去隨波沒一夜纔圓多時是缺誰知竟成間闊漸病傷
幽素暗損肌雪同心未結想盟言虛設懷袖三年錦
書將滅鏡中猶記紅靨似尋春杜牧不堪悲咽待重問
渡頭桃葉怕江水迢遞驚魂已斷夢難飛越枉凝盼暮
靄層疊放珠簾隔斷雙歸燕也教孤子

夜半樂

蛩語次柳耆卿韻

金是瀛

澹煙側雨。秋氣莎雞箇箇在野還依渚。更籬角墻陰幽
闕幽處。亂蟬寂寞驚飈暫起。那堪危葉爭飄。鳴雁高舉
隨斷岸。淒清遍前浦。晚來黼黻錦砌。月素橫牕。露華
團樹。閒院落生綃。鳴環人去。絳河清淺。青燈隱映翠輦
柳葉雙眉。織縑紅女。悵游子。淒然無一語。九月牀下
漸近。青征。屆霜猶駐。似訴如啼。兩難據。球唐風。誰遣樂
事頻相阻。憑側耳。蔓草行宮路。白頭阿監。傷衰暮。

六州歌頭

戲作簡僮約

鄒祇謨

僮來語汝約法告兒曹
吾所命只數事汝毋誤
記來朝紅藥闌干畔
縛棕帶摩苔石除菊蠹
移蘭盎早須澆庭際
幾頭丹鯽戲蘋藻粉餌
時調便聞將短竹扶植
美人蕉彈雀驅梟莫逍
遙宜勤應答捷趨走護
書篋整詩瓢燕几側博
山內水沉燒火毋焦煑
茶鎗須熟候蟹眼聽松
濤吾無事痛飲酒讀離
騷若有客來時候須滌
盞頻進香醪且抱琴吹
笛長醉侶漁樵門掩無
敵

有客勸余出山者賦此答之

尤侗

客何爲者勸我曳長裾
人所愛熟官耳顧愁予
不相如

君見居官者苦思慮勞筋骨。一笑語勤奔走。乃多譽。
我則異於是矣。體多病。藥物長須。慣科頭。晏起。懶向府
中趨。禮法全疎。古之愚。兼常捫蝨。喜曝背。時強項。或然
鬚。諸若此。俱不可。一朝居愛吾廬。種豆南山下。幾個竹
映芙蓉。驅山猿。彈野雀。釣江魚。况有老妻釀酒。任醉
後拊缶歌呼。有山公啓事報以絕交書。客且歸歟。

鳳凰山平南宋行宮

沈謙

煙消艮嶽。一馬却浮江。南渡事真草草。寓錢塘。正蒼黃。
怎愛湖山秀。新歌競離宮。起將二帝。水天苦。竟相忘。
慟哭朱仙三字。成疑獄。自棄封疆。有半湖燈火。蟋蟀當

平章播越堪傷，遂消亾空餘五寺山。鐘歇悲聲，路草荒
荒子規，叫精靈出景，淒涼淚沾裳。回憶騎驢笑，匡山遠
斷歸航。西湖上，却依舊，奏笙簧。闔道鶴歸，華表城郭
是人，去何方。恨東風一夜吹，變幾滄桑。滿地斜陽。

過村中古墓

王 晫

日暄風淡，散步到郊原。尋曲徑，見荒冢，被狐穿。起蒼煙，
又見松枝禿，野鳥噪，桓碑斷。宰木拱披苔，讀字俱殘。
傍有村農告我，伊人在，電掣霆鞭。擁黃金，肘後環列盡。
朱顏曾築丘園，擅腴田。更充什臈，淫絲竹，衣錦繡，飾珠
鈿。惟縱惡，兼長傲，任喧闐。幾何年，一旦歸泉壤，若敖鬼。

阿誰憐。聞說罷長太息。骨生寒。靜憶古今事理。雖纖
細。往復昭然。笑眼中。華胄意氣。尙軒軒。試看青天。

綠章

史惟圓

綠章封事夜。奏白雲邊。煩青鳥爲引。到大羅天。玉堦前。
臣有幽憂疾。須藥物。纔數種。苦難致。願乞與療。狂顛。
繞屋須栽紅藥。都開徧風景。嫣然對芳樽。常滿門繫釣。
魚船。閒愛流泉聽。潺湲夢松風。好欹枕。看芭簾。月隔籬。
煙。有幾許。野鷗鷺。恣飛翫。共周旋。此外無人到。容穩坐。
且安眠。只如此。銷水畫。保長年。苦問天。公無語。想茲
事。自古難全。有巨鰲海外。蓬島擁群仙。汝往從焉。

易水懷古

錢芳標

停車野廟煙柳正中春驚風起蕭蕭裏動青蘋似秋晨
此地荆卿餞白衣指白虹貫筵未半歌聲變泣沾巾
擊筑酒徒意氣方雄岸底用逡巡仗霜痕七首西入虎
狼秦毗裂空曠志難伸想提囊士彈琴子謀用矣豈無
人但擊去椎還悞竟全身祖龍真那信沙丘路鎬池語
玉衣塵燕臺館阿房殿總青燐督亢画圖何處斜陽
外敗堞叢榛只泉香釀冽巫鼓唱迎神行旅酸辛。

送岳千里之宛陵

蔣景祁

登山望遠臨水送將歸問此去馬何向宛陵南敬亭西

聞道浮丘宅群仙會丹崖古陸絕頂窺天日俯回溪

躡屐相將攬勝凌風想憑弔南齊慨謝公安在江令筆

花飛欲往從之吾誰依寄崔陵語絲竹好暫穩臥北山

匪垂釣罷遺賂野共圍棋薜蘿塞戶外徵書至看捧檄

不須疑君健甚行矍鑠是翁稀別酒桑乾渡口車塵

黯落照侵衣美東都賢者同把一鞭攜風雪題詩

東君
崔候

選縣

小諾臯

夏雨

陳維崧

密灑脩梧輕敲疎竹一雨碧天如此正日長亭院無慘

羈人徙倚滿目煙潭草閣多少紅蘭白芷更明珠瀉向
荷錢容裔極浦沉沉前汀瀾瀾又小樓玉簫聲遊吹入
愁人心裏無限事思量起此際凭闌幾回推掩揔是
故園千里忘不了水簾生寒玉釵着水風景而今依舊
無奈鬢絲不似揀流落楚尾吳頭而已今夜樓中明朝
篷底便瀟湘宋玉悲秋未必此情堪比天欲暮雨不止

寶鼎現

甲寅中秋

徐喈鳳

冰輪乍湧蟾魄初皎軒墀如水集少長當窗促坐酒政
寬嚴藏妙理看竹栢影橫斜几席芳桂森森交翠須趁

此良宵縱飲莫負姮娥媚麗。坐聞画角城頭起歎無
復當年歌吹况楚越遙傳烽警幾許風聲兼雀唳只明
月歷古今無異總照流亾羅綺更幾處空閨悵望十二
朱闌徧倚 洗盞重斟念秋半西風將厲怕陰陰庭樹
做出秋聲動地便對月早圖沉醉方是高人計任玉露
寒透羅衣還鼓南樓興味

三臺

送其年再游大梁并之鄴下

吳本嵩

想曹家七子傑出鄴城三臺初建有孔璋才調壓諸公
應劉伍徐吳王阮陪鶴蓋正綠池蘭坂忽千載風流雲

散漳河水日夜潺湲銅爵瓦春秋苔蘚經幾番俯仰憑
眺又到而今指點問何人能作建安詩人盡道孔璋重
見三年彈指頃憶燕市曾執手送君之注也曾向衰
柳西風唱一曲相看腸斷幾何時谿舍話別舊游已如
蓬轉喜此番風物正春和盤馬路落紅泥軟勝前度青
霜紫短髻蹴漳沱秋水清淺且領取三月鶯花莫徘徊
廢宮殘苑

拋毬樂

元夕觀燈作

龔百藥

正逢佳節初到今夕三五趁東風催煖陌草解凍池水

五言集卷之二
一
淺寒猶妬頓惹起花市香風好剪斷燈街絲雨恁處闌
綵新鮮火齊瑤華高級珊瑚樹更銀燕金鳧桂枝蓮炬
瑋瓊光怕魚龍怒舞想誤到蓬萊碧海曙絳霞通萬戶
便金吾難禁絲管沸天綺羅隘路別有珠服當壚鷓
鷃換酒目挑魂與寶車輕絲轡緩醉玉少年風度聽沉
玉漏冉冉鳳簫深處暗芳滿袖帶愁歸去髮鬢猶認非
煙霧更闌珊燈火揮毫獨對梅花月轉紗窗幾許想半
揭珠簾燈影下瞥覩渾無語恨滿眼韶華一般難據

哨遍

送無言歸黃山

董以寧

爲問先生且任爲佳何事成歸計却道是十載趁萍踪
漫道遙蜉蝣天地季主簾邊韓休市上閱盡人間世使
功業蕭曹文章燕許不過如斯而已况他家父子是相
非問商山何與諸公事白社遺民黃寇故里猶然遲矣
再莫羨揚州佳麗負了山靈誓閣梅堤柳當年幾下
蕪城漲繡瓦宮娥銀牀賓客只今名姓誰爲記天台可
賦蘇門堪嘯奚必江東虎視把苾鞋整頓歸來閒愁向
軒皂鑄鼎舊高臺餌丹砂身名俱避有時來往空庭一
二莊生老子倘教他日少微星耀天上來徵處士好教
兒童護柴門道先生高眠未起

酒後東丁飛濤

陳維崧

大叫高歌脫帽陽狂頭沒酒杯裏憶自從戎騎出臨渝
幾喚公爲無是君不見莊周漆園小吏寓言八九人間
世又不見信陵暮年潦倒醇酒婦人而已爲汝拔劍上
崦嵫令虎豹君門勿然疑古人有云雖不得肉亦且快
意君言在遼西獸宮鬼冢莽林際何暇顧妻子聊爲
汝一言爾儻記臥輶車霜花空涌三更千帳琵琶起又
馬作酸嘶弓爲異響鄉心一往如醉幸與子相逢復此
時更不飲躊躇亦奚爲算人生且自豪耳於是立盡數
斗酒三行以後汝爲我舞吾爲若語手作拍張言志黃

鬚笑將凭紅肌論英雄如此足矣。

卜居

史惟圓

我欲卜居何去何從煩汝菁龜記把一枝長戟六鈞弓
學從軍向沙塲醉又峩躬巨編欲隨估客營營競逐錐
刀計或種豆南山歌呼擊缶田家斗酒相攜羨空林殘
磬掩禪扉更隨意杖鞋去還來千水千山一瓶一鉢垂
垂老矣須富貴何時參軍傀儡總堪唾吾欲傳粉墨
借拍板與門槌問夢裏輸贏人前俯仰新磨幡綽誰相
似有賣舂洛陽吹簫吳市英雄失路如此願相從朱亥
侯贏輩但飲酒鼓刀在屠肆更持籌販羊驅豕不然傭

保雜作鏹跡埋名死不如溪畔打魚射鴨日暮行吟下
里君行君意復何疑笑卜人焉知此事

浦口平山雙翠樓

路鶴徵

浦口子城亂岫枕江東有平山寺雙碧樓欄檻俯江波
望江南樓臺雲際翠靄迷雨餘弄晴還瞻青螺笑兀攢
高髻見雉堞參差鳧鷖滅沒帆檣高下如奔更斷崖險
巖燕橫磯插翅逐朝煙暮霞飛虎踞龍蟠錦繡江山向
饒王氣吁天塹神畿六朝遺恨弭脂膩玉樹歌未已
後庭花唱商女嘆晉井燐青景陽絳碧衰螢黯淡遺宮
裏看玉塵塵汚烏衣巷冷新亭長此流涕只大江日夜

自東歸飽閱盡滄桑屢更移任神州陸沉波沸興亾摠
如兒戲憑弔非吾事但知臨水登山玩賞領畧春光而
已浮生如夢莫歎欷傾壺觴痛飲歸去。

戚氏

暮春

吳儀一

暮春時歸雁排斷碧雲飛風裊垂楊煙拖細草蕩游絲
淒其憶天涯病多不敢試羅衣子規何處啼血芳樹一
夜抹臙脂高樓莫上重門須掩湖波正送春歸奈画闌
缺蝶離籠鸚鵡又醉晴暉尋思那日分離桃花如雨
霧隔武陵溪空贏得玉腮珠淚同灑臨岐恨依依舊情

些箇心頭一想萬事都非夢裏貪歡。画中行樂今生只
合如斯。燕趙豪華地，藏春錦帳，護月金扉。況是玉人
年少，趁珠歌翠舞，笑相攜。夜深同醉瓊筵，藏鈞拋豆，肯
負芳辰。度渾不記舊日花前約，誰知我無限縈思對暗
塵。積滿琴徽。鎮日待沉睡，小窗西。忽花荒裏斜陽，向晚
鶯轉黃鸝。

鶯啼序

春日游平山堂卽事

陳維崧

三月雷塘口，多少游絲浴鷺。正嫩澁文縠，初平金溝，種
滿芳樹。屏幕津樓，斜蘸水，秋千春院閒吹絮。喜夾衣初

試艇子一雙搖去。陣陣鬢絲，層層簾影，齊問平山渡。
隔船紗裊裊，亭亭影落淒波。深處照菱花，水面明粧唱。
竹枝風前詩句，又東園芍藥，纔紅金鈴爭護。蘭橈小
擺試看繞，逕裙花襯襪塵微步。漸鋪遍，毘毘玉筍飛觥。
春纖拂素紅子，低敲青梅小，摘闌干却立頻。回顧鷺地
見玉鈞斜下路，傷今弔古，黯然偷注。橫波此處是隋皇
墓。幾番悵悵流水東風，往事渾無據。且趁江流正滑，
好放蜻蛉慢，搖紈扇重歌金縷。暝翠將沉，船頭欲轉，菜
黃灣子紅橋下。妬游童寶馬，將人覷。可憐此際歸來雨。
岸榆錢一天絲雨。

題蘭陵邵子湘画幀五幅

一圖執卷堂前後蕉黃竹翠環牆隙激水鏘鳴泐泐聲
循簷際中有一人攤卷讀不知所讀何經史想讀當佳
處時復奮袂抵几其一江村滌場納稼髣髴柴桑里
敝村扉箕踞松根揮斥田奴彊以映斜陽老犍驅來漾
新蟾離鳧驚起芍陂樛社足平生千場磴確一圖泛
艇涇偏船頭綠蕩是洞庭煙水軟幔障疎檣斜裊茶煙
細縈溪尾釣得鰲來曬將網去撥棹入江鄉魚市其一
圖竹杖還屨履層巒疊嶂秋深榭葉參天夜靜松花滿
地廢箸沉吟輟耕太息往事都非矣何苦上書北闕

侘傺無成種豆南山荒蕪不治龍爭七澤虎闢千山釣
名釣國終非計便終南捷徑徒爲爾亟圖翠蔓青藤峭
厂枯團放吾齋睡

過顧將軍墓

施樟

西風枯草正極目荒原日暮慘悽悽木落陰凝饑鴉爭
又飛過不見亭臺如舊日還認得十年前路問英雄何
處隴頭幾尺紅土 猶記當時轉頭一夢悵繁華難數
烈心情消盡紅粧画樓寶帳深貯雨淋淋將軍鐵甲月
陰陰佳人金縷聽簫聲酒豔香濃夜闌歌舞 池邊堤
畔跨水銀橋高駕望翠簾如霧簾下語鸚鵡菱鏡齊開

爐煙微炷，闌干倚徧。鳳釵敲斷繡幃花。醉春光，護宸堪。
傷惹苴偏騰妬。鴛鴦瓦坼誰知。絃索塵封，竟空老漁陽
戍。荷戈西去，匹馬南歸歎。此生虛負。遂伴北邙狐兔。
一片河流滿地，殘陽兩株墳樹。朝雲死也。楊枝辭去。廢
基平迥。廊複閣，問驚雷怒。兩魂來否。幾多往事，新愁付
與沙汀冷鷗閒鷺。

春游和彭羨門先生韻

林 枚

驚覺春眠是窗外。乍啼黃鳥，開簾視快，拂重檐飛度。花
梢樹杪，憑閣遙瞻。雲海際蒼茫黛色晴。山曉向城南游
賞陌上行人多少。越布爲衫，齊紈裁扇，錦帶垂吳編。

映仙裙風外徐飄輕拂珠塵如掃望平蕪芳草萋萋正
王孫關情未了更穠桃夾岸芬菲漁舟不到 依依楊
柳飛絮垂絲可愛繞画橋清沼落葉暗飄香淺碧微嘔
亂紅含笑淡院無人曲欄有美數聲紫燕空梁噪看羅
襪雙彎行靜怕凌波微步苔痕一徑斜分綽約處情思
攪 堪憐嬌困整衣無力倦態腰肢裊見說檀郎此日
斗酒雙柑醜促坐風流妍好微醒猶醉踏青歸路紅
樓十里笙歌起漸平沙落日銜殘照不妨且繫青驄漫
結同心來尋蘇小。

豐樂樓

辛酉元夜同叢山賦

陳維崧

上元許多往事摺蠻牋倦寫對皎皎一片水輪背人鉞
淚偷瀉記年少心情百種拋來都付傳柑夜月將圓狂
到收燈那宵剛罷要識狂奴踪跡除是寶釵羅帕喜
人月一色相看盈盈堆滿簾罽粉牆西火蛾低旋軟幔
左飛蟬頻卸也會招花朶般人倚風輕罵誰差詞客
去作官人舊情仍亂惹况今歲鳳城中煙柳外添了萬
盞晶籠水邊斜挂獅蠻假面參軍維縵繡帷飄得天街
滿更夾路香謎滄人打鸞靴獸襖幾群牙帳毬門彈壓
紫陌坊瓦昇平士女京國樓臺荷九重放假囑閭闔

雞人漫唱月摠西沉人忍空臺舞場歌榭緩扶薄醉御
溝斜轉前門小立偏妬煞級犀釘鈿粟繚垣下往來月
裏摩挲多被春纖絮情話

燕京風俗元夜並往前門
掛釘爲戲相傳識宜男也

添字鸞啼序

瞻園卽事用吳夢窗韻

沈皞日

偶攜石城屐齒過千門萬戶向官閣圍坐園亭把酒春
未遲暮倦游客迷離老眼暗香點點梅花樹記天涯飄
蕩七年夢中吹絮幾曲迴廊簾幙一片卷輕綃薄霧
剪銀燭觴味迨陪滿堂情緒如素遶池塘垂楊弱柳總
搖曳弄晴絲縷亂山根雙鶴飛來暝疑鷗鷺小窗詩

話共檢茶經頓忘却逆旅舉目見舊家風景碧草芳杜
離別幾經空江煙雨紅薔欲吐天桃如笑未妨拏艇乘
波去試春衫踏遍秦淮渡定巢燕子銜來何處芹泥莫
是季陵坏土夕陽西下渺渺予懷念村遙白苧忍更
問六朝遺蹟零落重樓鏡檻釵鈿雀屏歌舞愁紅怨翠
驚心時序湔裙脩禊清明近正沉吟往事停箏柱主人
依舊殷勤松下花間暫畱住否